

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

SKUPŠTINA KANTONA SARAJEVO

n/p predsjedavajuće, prof. Ana Babić

INICIJATIVA

Odlukom Vlade KS o pozitivnoj, bolničkoj i magistralnoj listi lijekova (sl novine 27/16) se onemogućila adekvatna terapija transplantiranim i dijaliziranim pacijentima čime je došlo do direktnog ugrožavanja njihovih života.

Konkretno, navedenom listom,a pod plaštom ušteda došlo je do uvođenja ograničenja upotrebe određenih lijekova koje predmetnim pacijentima predstavljaju terapiju koja im je garantovana zakonom o transplantaciji organa i tkiva u svrhu liječenja i nizom međunarodnih konvencija.

Žao mi je što se došlo u ovaku situaciju, da putem poslaničkih pitanja apelujemo da se navedena očigledna greška i nezakonitost što prije isprave, i to u smislu vrlo jasne korekcije navedene odluke, kako bi se pacijentima omogućilo nesmetano korištenje životno potrebne terapije.


Međutim, moram radi nas ovdje i javnosti vrlo jasno istaći kako su se navedeni pacijenti, u okviru svog udruženja, obraćali nadležnim, konkretno Ministarstvu zdravstva i ZZO, naglašavajući problem koji je nastao izmjenom odluke, međutim birokratija je u svojoj komunikaciji između nadležnih tijela pokazala svu svoju raskoš prebacivanja odgovornosti bez da se bilo ko zauzme za rješavanje ovog vrlo osjetljivog, slobodno mogu reci životnog problema.

Prepiska u kojoj Ministarstvo pacijente proslijedi na ZZO, a nadležni iz ZZO ih čisto administrativno vrate opet na početak, je pokazalo da njihov prirodni put ostvarivanja zakonom garantovanih prava kroz institucije, u cilju rješavanja nastalog problema neće dati ama baš nikakav rezultat.

Zato danas tražim od nadležnih u Ministarstvu, te ZZO KS da u skladu sa svojim ovlaštenjima, poznavajući suštinu problema kako sam ranije istakla, a postujuci zakone, međunarodna prava i konvencije, pristupe HITNO izmjeni odluka u smislu omogućavanja adekvatne terapije transplantiranim i dijaliziranim pacijentima, tj. ukidanja uvedenog ograničenja upotrebe lijekova na listama Ministarstva zdravstva KS za sve pacijente koji u svom liječenju imaju medicinsku opravdanost, kao što je slučaj sa ovim pacijentima.

Molim Vas da to uradite što je prije moguće, kako bi smo prije svega pokazali da nismo isključivo puki birokratski aparat, nego socijalna država koja garantuje nesmetano liječenje izuzetno osjetljivoj grupi pacijenata u našem društvu.

Sarajevo, 14.11.2016.

Segmedina Srna Bajramović

zastupnica SDP BIH u SKS